

«Հայմամուլ» փակ բաժնետիրական ընկերությունը, ի դեմս տնօրեն Ա.Հ.Մխիթարյանի, ով գործում է ընկերության Կանոնադրության հիման վրա, այսուհետ՝ «Վաճառող», մի կողմից, և

«Հայաստանի հանրային հեռուստաընկերություն» փակ բաժնետիրական ընկերությունը, ի դեմս գործադիր տնօրեն Մ.Ա.Գրիգորյանի, ով գործում է ընկերության Կանոնադրության հիման վրա, այսուհետ՝ «Գնորդ», մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1 Վաճառողը պարտավորվում է սույն Պայմանագրով սահմանված ծավալներով, ժամին և հասցեով շաբաթական 6 (վեց) օր պարբերականությամբ Գնորդին մատակարարել սույն Պայմանագրի Հավելված 1-ում նշված թերթերը (այսուհետ նաև՝ Ապրանքներ), իսկ Գնորդը պարտավորվում է ընդունել Ապրանքները և վճարել դրանց դիմաց սույն Պայմանագրով նախատեսված կարգով, չափով և ժամկետում:
- 1.2 Կատարողը պարտավոր է թերթերը Պատվիրատուին տրամադրել անմիջապես դրանց լույս տեսնելու օրը՝ ՀՀ, ք.Երևան, Գ.Հովսեփյան 26 հասցեով, մինչև տվյալ օրվա ժամը 10:00-ն:
- 1.3 Սույն Պայմանագրով Ապրանքների մատակարարումը պետք է իրականացվի մինչև 2020թ.-ի դեկտեմբերի 31-ը ներառյալ:
- 1.4 Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 2.1 **Գնորդն իրավունք ունի՝**
 - 2.1.1 Ապրանքները Կողմերի միջև համաձայնեցված ժամին Վաճառողի կողմից չմատակարարվելու դեպքում իր հայեցողությամբ հրաժարվել Ապրանքներից:
 - 2.1.2 Եթե հանձնվել է անպատշաճ որակի ապրանք՝
 - i. պահանջել հատուցելու ապրանքի անպատշաճ որակի լինելու պատճառով իր կատարած ծախսերը.
 - ii. չընդունել ապրանքն՝ իր հայեցողությամբ սահմանելով անպատշաճ որակի ապրանքը Պայմանագրին համապատասխանող որակի Ապրանքներով անհատույց փոխարինելու ողջամիտ ժամկետ և պահանջել Վաճառողից վճարել Պայմանագրի 5.2 և 5.3 կետերով նախատեսված տուգանքները.
 - iii. հրաժարվել Պայմանագիրը կատարելուց և պահանջել վերադարձնել Ապրանքների համար վճարված գումարը, եթե Ապրանքների համար արդեն իսկ վճարվել է:
 - 2.1.3 Եթե հանձնվել են Պայմանագրով որոշվածից պակաս քանակի Ապրանքներ, ապա՝
 - i. պահանջել լրացնել Ապրանքների պակաս հանձնված քանակը և վճարել Պայմանագրի 5.2 կետով նախատեսված տուգանքը.
 - ii. հրաժարվել հանձնված Ապրանքներից և դրանց դիմաց վճարելուց, իսկ եթե Ապրանքների համար արդեն իսկ վճարվել է՝ պահանջել վերադարձնել վճարված գումարը:
 - 2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝
 - i. ընդունել տեսակի վերաբերյալ պայմանին համապատասխանող Ապրանքները և հրաժարվել մնացած ապրանքներից.
 - ii. հրաժարվել հանձնված բոլոր ապրանքներից.
 - iii. պահանջել տեսակի վերաբերյալ պայմանին չհամապատասխանող ապրանքի անհատույց փոխարինում Պայմանագրով նախատեսված տեսակին համապատասխան Ապրանքով և պահանջել Վաճառողից վճարել Պայմանագրի 5.2 և 5.3 կետերով նախատեսված տուգանքները:
 - 2.1.5 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով Պայմանագիրը լուծելուց հետո ողջամիտ ժամկետում այլ անձից ավելի բարձր, սակայն ողջամիտ գնով գնել է Ապրանքներ՝ Պայմանագրով նախատեսվածի փոխարեն՝

Պայմանագրով սահմանված և դրա փոխարեն կնքված գործարքի գների միջև տարբերության, ինչպես նաև Ապրանքներն այլ անձից ձեռք բերելու համար Գնորդի կատարած բոլոր անհրաժեշտ և ողջամիտ ծախսերի չափով:

2.1.6 Միակողմանի լուծել Պայմանագիրը (լրիվ կամ մասնակի), եթե Վաճառողն էականորեն խախտել է Պայմանագիրը: Ընդ որում, Վաճառողի կողմից Պայմանագիրը խախտելն էական է համարվում, եթե 5 (հինգ) և ավելի անգամներ՝

i. մատակարարվել է անպատշաճ որակի և/կամ տեսակի պայմանի խախտմամբ ապրանք, որը չի կարող փոխարինվել Գնորդի համար ընդունելի ժամկետում.

ii. հանձնվել է պակաս քանակով Ապրանք, որը չի կարող լրացվել Գնորդի համար ընդունելի ժամկետում.

iii. խախտվել է Ապրանքների մատակարարման համար սույն Պայմանագրով սահմանված ժամկետը՝

2.1.7 Ձևնել Ապրանքները և հայտնաբերված թերությունների մասին անհապաղ տեղեկացնել Վաճառողին:

2.2 Գնորդը պարտավոր է՝

2.2.1 Կատարել Պայմանագրին համապատասխան մատակարարված Ապրանքների ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած Ապրանքներից Պայմանագրին համապատասխան հրաժարվելու դեպքում, ապահովել այդ Ապրանքների պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով, ծավալներով, ժամկետում և հասցեով մատակարարված Ապրանքներն ընդունելու դեպքում, Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև Պայմանագրի 5.5 կետով նախատեսված տույժը:

2.2.4 Պայմանագրի՝ Ապրանքների որակին, քանակին, տեսականուն վերաբերող պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո ողջամիտ ժամկետում, երբ Պայմանագրի համապատասխան պայմանի խախտումը պետք է հայտնաբերված լիներ՝ ելնելով Ապրանքների բնույթից և նշանակությունից:

2.2.5 Ապրանքների մատակարարման համար անհրաժեշտ լինելու դեպքում, Վաճառողի ներկայացուցիչներին տրամադրել Գնորդի տարածք մուտք գործելու հնարավորություն:

2.3 Վաճառողն իրավունք ունի՝

2.3.1 Գնորդից պահանջել ընդունելու Պայմանագրով նախատեսված կարգով, ծավալներով, ժամկետում և հասցեով մատակարարված Ապրանքները:

2.3.2 Գնորդից պահանջել վճարելու Պայմանագրով նախատեսված կարգով, ծավալներով, ժամկետում և հասցեով մատակարարված և Գնորդի կողմից ընդունված Ապրանքների համար իրեն վճարման ենթակա գումարները:

2.3.3 Գնորդի համաձայնությամբ Ապրանքները մատակարարել վաղաժամկետ:

2.4 Վաճառողը պարտավոր է՝

2.4.1 Գնորդին հանձնել Պայմանագրով նախատեսված որակի, քանակի և տեսակի Ապրանքներ՝ Պայմանագրով նախատեսված ժամկետում և հասցեով:

2.4.2 Գնորդին հանձնել Ապրանքների պատկանելիքները և համապատասխան փաստաթղթերը, եթե այդպիսիք առկա են և կիրառելի են Ապրանքների բնույթից ելնելով:

2.4.3 Գնորդին հանձնել երրորդ անձանց իրավունքներից ազատ Ապրանքներ:

2.4.4 Պայմանագրի 2.1.2 կետի ii ենթակետով, 2.1.3 կետի i ենթակետով, ինչպես նաև 2.1.4 կետի iii ենթակետով նախատեսված դեպքերում, ապահովել Ապրանքների մատակարարումը՝ Գնորդի կողմից սահմանված ժամկետում:

2.4.5 Հետ տանել Գնորդի կողմից Պայմանագրի 2.2.2 կետին համապատասխան պատասխանատու պահպանության ընդունված Ապրանքները կամ ողջամիտ ժամկետում այլ կերպ տնօրինել դրանք և հատուցել Ապրանքները պատասխանատու պահպանության ընդունելու, դրանք իրացնելու կամ Վաճառողին վերադարձնելու հետ կապված՝ Գնորդի կատարած անհրաժեշտ ծախսերը:

2.4.6 Պայմանագրով նախատեսված դեպքերում վճարել Պայմանագրի 5.2 և 5.3 կետերով նախատեսված տուգանքները:

2.4.7 Պայմանագրի 2.1.6 կետով նախատեսված իրավիճակներում Պայմանագրի լուծման դեպքում, Գնորդին հատուցել վերջինիս պատճառված և սահմանված կարգով հիմնավորված վնասները:

2.4.8 Պայմանագրի գործողության ընթացքում լուծարման կամ սնանկացման գործընթաց սկսելու դեպքում, դրա մասին նախապես գրավոր տեղեկացնել Գնորդին:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

- 3.1 Պայմանագրով մատակարարման ենթակա Ապրանքների ընդհանուր արժեքը կազմում է 560 600 (հինգ հարյուր վաթսուց հազար վեց հարյուր) ՀՀ դրամ՝ համաձայն սույն Պայմանագրի Հավելված 1-ով սահմանված նախահաշվի: Սույն Պայմանագրի ընդհանուր արժեքը ներառում է Պայմանագրի կատարումն ապահովելու նպատակով վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող շահույթը:
- 3.2 Գնորդն իրեն մատակարարված Ապրանքների դիմաց վճարում է ՀՀ դրամով անկանխիկ՝ դրամական միջոցները վաճառողի հաշվարկային հաշվին փոխանցելու միջոցով: Մատակարարված Ապրանքների դիմաց վճարումն իրականացվում է ամսական հիմքով հանձնման-ընդունման ակտի և հաշիվ-վավերագրի երկկողմանի հաստատվելուց 30 (երեսուց) աշխատանքային օրվա ընթացքում:
- 3.3 Վճարման ամսաթիվ է համարվում Գնորդի բանկային հաշվից դրամական միջոցների ելքագրման ամսաթիվը:
- 3.4 Բանկային ծախսերը Գնորդի բանկում կատարում է Գնորդը, իսկ վաճառողի բանկում՝ վաճառողը:

4. ԱՊՐԱՆՔՆԵՐԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

- 4.1 Ապրանքներն ընդունվում են վաճառողի և Գնորդի միջև հանձնման-ընդունման արձանագրության ստորագրմամբ: Յուրաքանչյուր օրացուցային ամսվա ավարտից 5 (հինգ) օրվա ընթացքում վաճառողը Գնորդին է ներկայացնում իր կողմից ստորագրված հանձնման-ընդունման արձանագրությունը և հաշիվ վավերագիրը:
- 4.2 Հանձնման-ընդունման արձանագրությունը ստորագրվում է, եթե Ապրանքները համապատասխանում են Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Գնորդը՝
 - i. հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցառումները.
 - ii. վաճառողի նկատմամբ կիրառում է Պայմանագրով նախատեսված պատասխանատվության միջոցները:
- 4.3 Գնորդը հանձնման-ընդունման արձանագրությունը և հաշիվ վավերագիրը ստանալու օրվան հաջորդող 5 (հինգ) օրերի ընթացքում վաճառողին է ներկայացնում իր կողմից ստորագրված հանձնման-ընդունման արձանագրության և հաշիվ վավերագրի մեկական օրինակները կամ Ապրանքները չընդունելու պատճառաբանված մերժումը:
- 4.4 Եթե Պայմանագրի 4.3 կետով սահմանված ժամկետում Գնորդը չի ընդունում Ապրանքները կամ չի մերժում դրանց ընդունումը, ապա Ապրանքները համարվում են ընդունված և Պայմանագրի 4.3 կետով սահմանված վերջնաժամկետին հաջորդող աշխատանքային օրը Գնորդը վաճառողին է տրամադրում իր կողմից հաստատված հանձնման-ընդունման արձանագրությունը, հաշիվ վավերագիրը, ինչպես նաև վճարում վերջինով սահմանված գումարը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1 վաճառողը պատասխանատվություն է կրում Ապրանքների որակի, մատակարարման ժամկետի և տեսակի պայմանի պահպանման համար:
- 5.2 Ապրանքների մատակարարման համար կողմերի միջև համաձայնեցված ժամկետի խախտման դեպքում, Գնորդն իրավասու է վաճառողից գանձելու տուգանք չմատակարարված Ապրանքների արժեքի չափով:
- 5.3 Պայմանագրի 1.1 կետում նշված բնութագրին չհամապատասխանող ապրանքներ մատակարարելու դեպքում, Գնորդն իրավասու է վաճառողից գանձելու տուգանք չմատակարարված Ապրանքների արժեքի չափով: Մեկ օրացուցային ամսվա ընթացքում 5 (հինգ) և ավելի անգամներ այդպիսի դեպքի արձանագրման դեպքում Գնորդն իրավասու է վաճառողից գանձելու տուգանք՝ Պայմանագրի գնի 20 (քսան) տոկոսի չափով:
- 5.4 Պայմանագրի 5.2 և 5.3 կետերով նախատեսված տուգանքները հաշվարկվում և հաշվանցվում են վաճառողին վճարման ենթակա գումարներից:
- 5.5 Մատակարարված Ապրանքների դիմաց վճարելու սույն Պայմանագրի 3.2 կետով նախատեսված ժամկետի խախտման դեպքում, վաճառողն իրավասու է կետանցի յուրաքանչյուր օրվա համար Գնորդից գանձելու տույժ՝ վճարման ենթակա, սակայն չվճարված գումարի 0,5 (զրո ամբողջ հինգ տասնորդական) տոկոսի չափով, բայց ոչ ավել քան վճարման ենթակա գումարի 5 (հինգ) տոկոսը:

- 5.6 Տուժանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:
- 5.7 Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԱՅԼ ՊԱՅՄԱՆՆԵՐ

- 7.1 Պայմանագիրն ուժի մեջ է մտնում երկկողմանի ստորագրվելու պահից և գործում՝ մինչև Կողմերի՝ Պայմանագրով ստանձնած պարտավորությունների ողջ ծավալով կատարումը:
- 7.2 Ապրանքների մատակարարման ժամկետը Վաճառողի խնդրանքով կարող է երկարաձգվել՝ մինչև այդպիսի ժամկետի լրանալը՝ պայմանով, որ մատակարարման ժամկետի երկարաձգման դեպքում Գնորդի մոտ չի վերանա Ապրանքների օգտագործման պահանջը:
- 7.3 Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 7.4 Սույն Պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած հակընդդեմ պարտավորության հաշվանցով՝ առանց Կողմերի գրավոր համաձայնության: Պայմանագրից ծագած պահանջի իրավունքը չի կարող փոխանցվել այլ անձի՝ առանց պարտապան կողմի գրավոր համաձայնության:
- 7.5 Պայմանագրի պատշաճ կատարման պայմաններում Կողմերի (Վաճառող կամ Գնորդ) օգուտները (խնայողությունները) կամ կրած վնասները տվյալ Կողմի օգուտը կամ կրած վնասն են:
- 7.6 Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակներում Վաճառողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:
- 7.7 Սույն Պայմանագրի Հավելված 1-ը հանդիսանում է սույն Պայմանագրի անբաժանելի մասը:
- 7.8 Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 7.9 Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 7.10 Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ: Գնորդն իրավունք ունի ցանկացած պահի միակողմանիորեն լուծելու սույն Պայմանագիրը՝ այդ մասին առնվազն 5 (հինգ) աշխատանքային օր առաջ ծանուցելով Վաճառողին: Գնորդի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթի հանդիսացած հանգամանքներից: Վաճառողի նախաձեռնությամբ Պայմանագրի վաղաժամկետ լուծման դեպքում, Վաճառողը պարտավոր է

- ամբողջությամբ հատուցել վաղաժամկետ լուծման հետևանքով Գնորդին պատճառված վնասները՝ ներառյալ բաց թողնված օգուտը:
- 7.11 Սույն Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով կամ Կողմերի համաձայնությամբ նախատեսված այլ եղանակներով:
 - 7.12 Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
 - 7.13 Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
 - 7.14 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:
 - 7.15 Պայմանագիրը կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր Կողմին տրվում է Պայմանագրի մեկական օրինակ:
 - 7.16 Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:

Կողմերի վավերապայմանները և ստորագրությունները

Վաճառող

«Հայմամուլ» ՍՊԸ

Հասցե՝ ՀՀ, ք.Երևան, Սասունցի Դավթի
 Հրապարակ 2
 ՀՎՀՀ՝ 00401345
 «Արարատբանկ» ԲԲԸ
 Հ/Հ՝ 1510001986720100



Ա. Հ. Մխիթարյան
 Տնօրեն

Գնորդ

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք.Երևան, Գ.Հովսեփյան 26
 ՀՎՀՀ՝ 01540062
 «Արդշինբանկ» ՓԲԸ
 Հ/Հ՝ 2470102796740000



Մ. Ա. Գրիգորյան
 Գործադիր տնօրեն

Հավելված N 1
2020թ.-ի հունվարի 08-ին կնքված
N ՀՀ-ՄԱԱՊՁԲ-20/8-Պ պայմանագրի

ԱՊՐԱՆՔՆԵՐԻ ՏԵՍԱԿԸ ԵՎ ԱՐԺԵՔԸ

	Թերթի անվանում	Բաժանորդագրության տևողություն	Տարեկան քանակ /հատ/	Օրական քանակ /հատ/	Միավորի Արժեք /ՀՀ դրամ/
1	Հայաստանի Հանրապետություն	12-ամսյա	252	1	100
2	Голос Армении	12-ամսյա	156	1	200
3	Առավոտ	12-ամսյա	252	2	200
4	Ազգ	12-ամսյա	52	1	200
5	Հայկական ժամանակ	12-ամսյա	252	2	200
6	Իրավունք	12-ամսյա	156	1	100
7	Ժամանակ	12-ամսյա	252	2	200
8	168 ժամ	12-ամսյա	156	2	200
9	Հրապարակ	12-ամսյա	252	1	100
10	Ժողովուրդ	12-ամսյա	252	2	100
11	Փաստ	12-ամսյա	252	1	150

Կողմերի վավերապայմանները և ստորագրությունները

Վաճառող

«Հայմամուլ» ՍՊԸ

Հասցե՝ ՀՀ, ք.Երևան, Սասունցի Դավթի
Հրապարակ 2

ՀՎՀՀ՝ 00401345
«Արարատրանկ» ՓԲԸ
Հ/Հ՝ 1510001986720100

Ա. Հ. Մխիթարյան
Տնօրեն



Գնորդ

«Հայաստանի հանրային
հեռուստաընկերություն» ՓԲԸ
Հասցե՝ ՀՀ, ք.Երևան, Գ. Հովսեփյան 26

ՀՎՀՀ՝ 01540062
«Արդշինքանկ» ՓԲԸ
Հ/Հ՝ 2470102796740000

Մ. Ա. Գրիգորյան
Գործադիր տնօրեն

